

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126133](#)

IN DIE FESTO S. BARTHOLOMÆI.

Evangelium Luc. 22. v. 24, -- 30.

EXORDIUM.

¶ Præface!

Persuasit serpens in Paradiso Ebam, quodsi cœmatura esset cum Adamo ex ligno scientiæ boni & mali, aperte riendi sint oculi illorum, & futuri sicut Deus, scientes bonum & malum. Audiens hoc Eva, ambitionis virus animum ejus perculit, ut contrâ interdictum divinum comederit de ligno scientiæ boni & mali, dederitque viro suo, qui & ipse comederit. Hoc modo peccatum commissum, imago Dei amissa, & mors in mundum introducta fuit.

Illexit hinc Ebam, ambitio & superbia, quod sorte suâ non contenta, cum tamen imagine divina decorata, quasi Deum terrenum præsentaret, etiam Deo similem fore affectarat, extendebat itaque manum suam, & hoc ipso quod fructum vetitum decerpebat, Numinis supremi gloriam affectabat, crimen læsa Majestatis hoc modo committens: quo se & nos omnes ejus posteros in æternam & temporalem mortem præcipitavit. Æternam quidem Servator noster pientissimus morte & sanguine sua sustulit, nosque fideles suos ab eâ redemit: at temporalem omnes propteræ subire cogimur. Hinc illæ lacrymæ! hinc nostra confusio!

Sicut igitur mulier seducta in prævaricatione fuit, 1. Tim. 2. v. 14. Ita & hodiernus filii & posteri ejus, ab eâ hæreditariò accipiunt superbiam & ambitionem, ut

viribus suis majora aggrediantur, cum tamen plurima super sensum hominum ostenta ipsis sint, Sir. 3. v. 25.

Exemplum habemus in prælecta Pericope in discipulis Christi, in qua eos adeò ambitionis cœstro percitos audimus, ut quilibet illorum prærogativam in Regno, quod somniabant, Christi terreno, quæliter verit, & primum locum affectarit. Et quia nemo illorum postremum se vult, in contentionem gravissimam erumpunt, quam tamen Christus mansuetudine & humanitate sua tempestivè vicissim sedavit, ut ipsa Pericope testatur.

Nos Instituti nostri memores videbimus

- I. *Triplicem Querelam.*
- II. *Triplicem Medelam.*
- III. *Triplicem Cautelam.*

J. J.

Exegesis.

Nein irascimenti in viâ, dixit Josephus ad fratres suos, cum frumento oneratos eos dimitteret ad Patrem Jacobum, Gen. 45. v. 24. Hoc nobis quoque qui nunc in viâ sumus ad patriam nostram, non enim hinc inquilini sumus, sed πολιτευμα nostrum in cœlis est, Phil. 3. v. 20. Nequam igitur inter nos contentiones sint,

ssss

ubi